

宋東京考卷之三

嘉興石匏周 城緝

諸司

內諸司

置按局并野應類要內自司子侍局以下皆在京也

按內諸司皆在禁中

如皇城司

中舊名武德司大平興國

入引進司四方館

旦掌正文武官正謝辭國忌賜香諸人道月

奉使老京陪位致仕官道

內客省

牧掌四方朝覲酒饌及四夷朝貢

近進臣禁衛將校節儀諸事東西上閣門

乘凡取朝會遊晏及

贊導三公之舍人蕃國朝見辭謝糾彈而巳內弓箭庫

南外庫軍器衣甲庫軍器弓槍庫軍器弩劍箭庫

掌藏仗

宋東京考

卷之三

一

器械甲冑以供備庫內外膳羞米麩改爲內豆料庫之

料軍器什物庫宣德樓什物庫則掌收貯而什頒之給用翰林

司即也內侍省

班國初黃門九班院改淳化門五年八月省改內

入內內侍省

內國初班有院中德高三班院入淳化內五年省改入諸內

司隸之與內侍省號褻為前者隸入內侍省比前省尤為

云備灑掃內之職省使雜司內侍省號南班內東門司掌

禁名人數而出幾入周知合同憑由司要掌禁凡特旨索賜之物皆具

有名數憑給付御醫院待按御方書修合藥劑以管勾往

來國信所

交掌契丹使介內藏庫以掌受非常計之積奉宸

庫掌珠內寶廷金

景福殿使延福宮使殿中省掌至郊祀元日

殿及太廟供其繖扇主六尚局曰尚食之掌膳羞尚藥之掌劑診

赴太廟之尚醞之掌酒醴尚衣之掌衣服冠尚舍之掌次舍幄尚輦

之掌輿諸閣分內香藥庫後苑之掌苑雜飾以備遊幸種造作

所之掌文錯彩工巧之妃服飾翰林院之總官等局凡書藝圖畫醫

在焉皆龍圖天章寶文等閣之掌瑞寶玩之宗物而安像設以符

崇奉明堂頒朔布政府

太平治迹統類宋太祖別置封樁庫嘗密諭近臣曰

石晉苟利於己割幽薊以賂契丹使一方之人獨限

境外朕甚憫之欲俟斯庫所藏滿三五百萬即遣使

於契丹約苟能歸我土地民庶即當盡此金帛充其

宋東京考 卷之三 二

贖直如曰不可朕將散滯財募勇士俾圖攻取爾會

晏駕不果

石林燕語太祖初平諸偽國得其帑藏金帛以別庫

儲之號曰封樁庫凡三司謂鹽鐵度支也歲終國用羨贏

之數皆入焉嘗諭近臣欲候滿三五百萬即以與契

丹以贖幽燕故土不從則為用兵之費蓋不欲常賦

之外橫斂於民故不隸於三司今內藏庫是也又曰

內香藥庫在謬門外凡二十八庫真宗賜御製七言

二韻詩一首為庫額曰每歲沉檀來遠裔累朝珠玉

寶皇居今看內府初開處充物尤宜史筆書

資治通鑑 太平興國三年置內藏庫帝幸左藏庫語  
薛居正曰此金帛如山用何能盡先帝每焦心勞慮  
以經費爲念何其過也詔改爲內藏庫并以封樁庫  
屬焉

容齋三筆 神宗嘗憤北狄崛彊慨然有恢復幽燕之  
志於內帑置庫自製四言詩曰五季失固獫狁孔熾  
藝祖肇邦思有懲艾爰設內府期以募士曾孫保之  
敢忘厥志凡三十二庫每庫以一字揭之儲積皆滿  
又別置庫賦詩二十字分揭於上曰每度夕惕心妄  
意遵遺業顧予不武姿何日成戎捷其用志如此國

宋東京考

卷之三

三

家帑藏之富可知

文獻通考 乾德三年置封樁庫國初貢賦悉入左藏  
庫及取荆湖下西蜀儲積充羨始於講武殿別爲內  
庫號封樁以待歲之餘用帝嘗曰軍旅饑饉當預爲  
之備不可臨事厚斂於民乃置此庫太宗又置景福  
殿庫隸內藏庫揀納諸州上供物嘗謂左右曰此蓋  
慮司計之臣不能節約異時用度有闕當復賦稅於  
民耳朕終不以此自供嗜好也自乾德開寶以來用  
兵及水旱賑給慶澤賜賚有司計度之所缺者必籍  
其數以貸於內藏俟課賦有餘則償之淳化後二十

五年間歲貸百萬有至三百萬者累歲不能償則除其籍

神宗謂輔臣曰比閱內藏庫籍文具而已財貨出入初無關防前此嘗以龍腦真珠鬻於權貨務數年不輸直亦不鈎攷蓋領之者中官數十人惟知謹扃鑰塗牕牖以爲固密安能鈎攷其出入多少與所蓄之數乃令戶部太府寺於內藏諸庫皆得檢察置庫百餘年至是始編閱焉

鐵圍山叢談 奉宸庫者祖宗之珍藏也政和四年太上始自攬權綱不欲付諸臣下因踵藝祖故事檢察

宋東京考

卷之三

四

內諸司於是乘輿御馬遍歷內中諸司大駭懼經數日而止因併奉宸俱入內藏庫時於奉宸中得龍涎香二琉璃缶玻璃母二大筐玻璃母者若今之鐵滓然塊大小猶兒拳人莫知其力又歲久無籍且不知其所從來或云柴世宗顯德間大食所貢又謂真廟朝物也玻璃母諸璫以意用火煨而模寫之但能作珂子狀青黃紅白隨其色而不克自必也香則多分賜大臣近侍其模製甚大而外視不甚佳每以一豆許藝之輒作異花氣芬郁滿座終日不歇於是太上始竒之命籍被賜者隨數多寡復收取以歸中禁因

號曰古龍涎爲貴也諸大璫爭取一餅可直百緡金玉爲穴而以青絲貫之佩於頸時於衣領間摩娑相示以爲誇炫由此遂作佩香焉今佩香蓋因古龍涎始也

一按南州有龍涎蘇門答次國古大食國也西去面波激雲騰每至春間群龍出沒隨而上而遺涎沫於洋水則國人駕獨木舟伺龍出沒採之其涎初則脂膠如斗大焚之清腥氣久則成大塊或大魚腹中刺出如黃大焚之清腥氣久則成大塊或大魚腹其浮水者爲一上滲沙者次之魚食者爲下每香一文值

眉公筆記 奉宸庫有玻璃母二筐初不知其美諸璫分去後藝之作百花香氣清都可愛詔收集之此大食國所獻即于闐古名也今產不見志

宋東京考

卷之三

五

暇日記 仁宗諭曰奉宸庫有外國所貢良玉一塊廣尺厚半之此希世之物可作一寶因命梁適撰名曰鎮國神寶宰相龐籍篆文劉沆書牌

避暑漫鈔 政和初上始躬攬權綱不欲付諸大臣因述太祖故事御馬親巡大內諸司至內後拱宸門之左對後苑東門有一庫無名號但謂之苑東門庫乃貯毒藥之所也典掌官吏三十餘人於是親筆爲詔稱自建隆以來不曾有支遣顯屬虛設此皆前代用以殺不廷之臣者藉使臣下果有不赦之罪當明正典刑豈宜用此可廢其庫將見在毒藥焚棄瘞於遠

郊仍表識之毋令牛畜犯焉嗚呼上聖至仁大哉堯舜之用心也

四朝志 內東門司主管四人以入內內侍充掌宮禁人物出入周知其名數而幾察之謂之門司

朝野類要 唐以來翰林院諸色皆有後遂效之即學宮樣之謂也如京師有書藝局醫官局天文局御書院之類是也

涑水記聞 李迪在翰林時仍歲旱蝗國用不給一日歸沐忽傳詔對內東門上出三司使馬元方所上歲出入財用數問何以濟公曰祖宗初置內藏庫欲復

宋東京考

卷之三

六

西北故土及以支凶荒今邊無他費陛下用此以佐國用則賦斂寬民不勞矣上曰今當出金帛數百萬借三司公曰天子於財無內外願下詔賜三司以顯示德澤何必曰借上悅

癸辛雜識 庫前有葦林太祖初受禪時用葦爲火把棄擲成林後大內焚葦雖燒盡復茂云

韓魏公家傳 公言自古興儉以勸天下必以身先之今欲減省浮費莫如自宮掖始請令三司取入內內侍省并御藥院內東門司先朝及今來賜予支費之目比附酌中皆從減省無名者一切罷之

甲申雜記 祖宗舊制後殿引公事則軍頭引見司皇城司殿前司三司祇應殿前統制諸班皇城統制親事官引見統制馬直步直兩指揮人料錢五百文熙寧中併馬直入雲騎步直入虎翼引見司兵遂廢矣智囊補 陳晋公恕爲三司使真宗命具中外錢穀大數以聞恕諾而不進久之上屢趣之恕終不進上命執政詰之恕曰天子富於春秋若知府庫充羨恐生侈心是以不敢進也

省括編 李允則嘗晏軍而甲仗庫火允則作樂飲酒不輟少頃火息密遣吏持檄瀛州以茗籠運器甲不

宋東京考

卷之三

七

浹旬軍器完足人無知者樞密院請劾不救火狀真宗曰允則必有謂姑詰之對曰兵械所藏倣火甚嚴方晏而焚必奸人所爲若舍晏救火事當不測

函史 禁中有宣索多內臣指科請復舊制傳宣合同司爲檢防每綱運至遣內臣監視乃收受綱運物往往暴廡下內臣故延緩不視燥濕不時以敗壞責償韓忠獻琦請罷內臣無遣從之

外諸司

按外諸司左右金吾衛仗司六軍儀仗司

掌排清道徽巡

仗以肅禁衛而校其遷補之時修飾

法酒庫

掌造供御及齊

選募人兵而校其遷補之事

王三思酒善以造法尊酒疊周因太祖平酒河庫中置之酒工內酒坊糯酒造常法

供料之三等酒以牛羊司祀之大牲中乳酪院餅酥酪之食乳

藥蜜庫掌受馬糖醫藥之用都麪院內酒坊之用儀鸞司帳

設局也掌供幕車輅院法掌物輦輅供奉庫雜物庫雜買務

舊曰市凡宮禁太官物興國中改時供納掌貨雜賣場市易上

界民用斂者市貿易平貨滯於市易下界以掌通飛錢給券都提舉

市易司易掌提點貿易東西作坊幟造兵器旗修內司掌城太

廟事繕修文思院上下界造界造銅鐵竹銀木雜料下綾錦院

掌用織初平蜀得錦供乘輿及始置服院染院泉幣染絲裁造院

掌裁造文繡院御及賓客以祭祀之服用軍器所旗幟戎帳器

宋東京考 卷之三 八

之政東西八作司繕修京城內外上下竹木務水掌運材諸租

木抽算經營造箔場掌抽箔算之竹木以事材場前掌期度材以物

造營麥麩場租受以畿諸縣夏丹粉所以掌燒變飾丹粉退

材場曲直受之京城中城外以退棄材造木及薪其長短皮剥所掌割

牛死諸畜皮角場以收皮坊之筋骨上下監馬病治療估馬司

市馬閱平諸州所車營致遠務牛掌以養駕車驪務馳坊掌牧養

象院掌養象馴象一作坊物料庫漆掌之類以錫羽箭油東西

窑務掌繕陶及瓶缶瓦之用給外物料庫院掌給鹽米城外諸宮

油醋庫國膳羞內外之用供邦京城守具所鞍轡庫馬掌鞍御

賜及下給左右騏驥院左右天駟監及頒賜國王公以群臣蕃輿

賜及下給左右騏驥院左右天駟監及頒賜國王公以群臣蕃輿



軍廄夷國信給騎左右天廄坊河南北石炭場納管出四熟

藥局和劑局惠民局以掌合藥出賣內外柴炭庫軍頭引

見司之掌事及奉馬便殿禁衛諸軍之入見架子營樓店務縣掌房州

廊課店宅務屋掌邸官房權貨務金掌折博斛斗都茶場給掌

賣引茶審計司數掌驅磨受給之商稅務城掌收京汴河上下鎖

蔡河上下鎖木掌收舟徵船交引庫引掌錢給印之出納事抵當所

質取以官錢聽民糧料院司掌以法式批交諸大宗正司掌

睦皇族教導宗子受其陳請廷辨祇候庫以受錢帛雜物

予賜左藏東西庫南北兩庫之掌入以待經費布庫茶庫雜

物庫大觀元豐宣和等庫綿估局打套局市二局係揀選

### 宋東京考

### 卷之三

### 九

物諸米麥等自州東虹橋元豐倉順成倉東水門裏廣

濟裏河折中外河折中富國廣盈萬盈永豐濟遠等倉

陳州門裏麥倉子州北夷門山五丈河諸倉約共五十

餘所日有支納下卸即有下卸指揮兵士支遣即有袋

家每人肩兩石布袋遇有支遣倉前成市近新城有草

場二十餘所每遇冬月諸鄉納粟稈草牛車闐塞道路

車尾相啣數千萬輛不絕場內堆積如山

文獻通考東京之制受四方之運者謂之船般倉曰

永豐通濟萬盈廣衍通濟有萬盈第四曰廣衍延豐

舊廣利景德中改大順成舊常豐景濟遠舊常盈景

富國凡十倉皆受江淮所運謂之東河亦謂之裏河  
曰永濟永富二倉受懷孟等州所運謂之西河曰廣  
濟第一受潁壽等州所運謂之南河亦謂之外河曰  
廣積廣儲二倉受曹濮等州所運謂之北河受京畿  
之租者謂之稅倉曰廣濟受京東諸縣廣積第一左  
右騏驥天駟監凡三倉受京北諸縣左天廩坊倉受  
京西諸縣舊有義豐倉大年停大盈右天廩二倉受京南  
諸縣及商人入中者謂之折中倉有裏外河二名又  
有茶庫倉或空則兼受船般倉斛斗草場則汴河南  
北各三所騏驥左右天廩坊天駟監各一所以受京

畿租賦及和市所入諸州皆有正倉草場受租稅和  
糴和市芻粟並掾曹主之其多積之處亦別遣官專  
掌凡漕運所會則有轉般倉

太宗端拱二年置折中倉許商人輸粟優其價令執  
券抵江淮給其茶鹽每一百萬石爲一界祿仕之家  
及形勢戶不得輒入粟

神宗熙寧五年詔曰天下商旅物貨至京多爲兼并  
之家所困宜出內藏庫錢帛選官於京師置市易務  
八年市易司請假奉宸庫象犀珠值二十萬緡於權  
場貿易至明年終償其值從之元符三年改名平準

務

元豐初作元豐庫歲發坊場百萬緡輸之大觀時又作大觀東西庫崇寧後蔡京為相增修財利之政務以侈靡惑人主動以周官惟王不會為說每及前朝愛惜財賦減省者必以為陋至於土木營造率欲度前規而侈後觀元豐官制既行賦祿視嘉祐治平既優京更增供給食料等錢於是宰執皆增京又專用豐亨豫大之說諛悅帝意始廣茶利歲以一百萬緡進御以京城所主之於是費用寢廣其後又有應奉司御前生活所營繕所蘇杭造作局御前人船所其

宋東京考

卷之三

十一

名紛如大率皆以竒侈為功歲運花石綱一石之費至用三十萬緡牟取無藝民不勝弊時用度日繁左藏庫異時月費緡錢三十六萬至是衍為一百二十萬緡

初京師有雜買務雜賣場以主禁中貿易景祐中嘗詔須庫物有缺乃聽市於雜買務皇祐中帝謂輔臣曰國朝懲唐宮市之弊置務以京朝官內侍參主之以防侵擾而近歲非所急物一切收市擾人甚矣乃申景祐之令使皆給實直其後內東門市民間物或累歲不償錢有司請自今悉開雜買務以見錢售之

內出金帛欲易錢者舊付雜賣場至是又悉請送左藏庫計直易錢詔皆可之至嘉祐中復詔金帛付雜賣場以三司判官監視平估以售毋抑配小民  
權貨務掌折博斛米金帛之屬以朝官諸司使副內侍二人監太平興國中以先平嶺南及交趾諸國入貢通關市議於京師置權易院大中祥符中併入權貨務

雜買務舊曰市買司太平興國四年改至道中廢咸平中復置以京朝及三班內侍三人監掌貨市百物凡宮禁官物所需以時供納雜賣務景德四年置掌

宋東京考

卷之三

十二

受內外弊餘之物計直以待出貨或準折支用以內侍及三班二人監後亦差文武朝官

文思院隸工部掌造金銀犀玉工巧之物及絲繒裝鈿之飾凡儀物器仗權量輿服所以供尚方給百司者於是出焉

左藏庫國初左右止一庫置使領焉太平興國二年分為二庫淳化二年分置左右藏各二庫四年廢右併入左政和六年修建新庫以東西庫為名

職官分紀 大中祥符二年召近臣觀書龍圖閣上閱元 and 國計圖三司使丁謂曰唐自江淮歲運米四十

萬至長安今江淮歲運米五百餘萬即知今府庫充實倉廩盈衍上曰誠賴天地祖宗國儲多備然亦自計臣之功也謂再拜

夢溪筆談 太祖朝常戒禁兵之衣長不得過膝買魚肉及酒入營門者皆有罪又制更戍之法欲其習山川勞苦遠妻孥懷土之戀兼外戍之日多在營之日少人人少子而衣食易足又京師衛兵請糧者營在城東者令赴城西倉營在城西者令赴城東倉不許傭僦車脚皆須自負嘗親登右掖門觀之蓋使之勞力制其驕惰故士卒衣食無外慕安辛苦而易使

宋東京考

卷之三

十三

後山談叢 太祖置竹木務於汜上市竹木於秦晉由河入汜有卒千五百人出材於汜納材於場置事材場於務之側有卒二三千人凡興造者受成材焉其法曰有敢請生材者徒二年今啟聖院乃其材也已百年矣梁拱之際尚不容髮自置八作司以供雜物而領以三司修造矣

熙寧中作坊以門巷委狹請直而寬廣之神宗以太祖創始當有遠慮不許既而衆工作苦持兵奪門欲出為亂一老卒閉而拒之遂不得出捕之皆獲

文思院奉帝后之私凡物必具宣后當國九年不索

一物

涑水記聞 建隆間竹木務監官患所積材植長短不齊乞剪截俾齊整太祖批其狀曰汝手足指寧無長短乎何不截之使齊長者任其自長短者任其自短歸田錄 京師諸司庫務皆由三司舉官監當而權貴之家子弟親戚夤緣請託不可勝數為三司使者常以為患田元均為人寬厚長者其在三司深厭干請雖不能從然不欲峻拒每溫顏強笑以遣之嘗謂人曰作三司使數年強笑多矣直笑得面似靴皮士大夫聞者傳以為笑然皆服其德量也

宋東京考

卷之三

十四

塵史 神宗留意軍器設軍器監命侍臣董之前後講究制度無不精緻率著為式合一百一十卷蓋所謂辨材一卷軍器七十四卷什物二十一卷雜物四卷添脩及製造弓弩式一十卷是也

東京記說八作司之外又有廣脩故城作今東西廣備隸軍器監矣其作凡十一司所謂火藥青窑猛火

油按海語猛火油樹津也一名泥油出佛打泥國大類樟腦能腐人肌內燃置水中光焰愈熾以制火

器其烽甚烈帆檣樓櫓連延不止雖魚鼈遇者無不焦爍也又按昨夢錄猛火油者聞出於高麗之東數

千里盛夏日初出烘之極熱則掘地作他物遇之即為火惟真瑠璃器可貯之防城庫掘地作大池縱橫丈

餘以蓄之不如是月則池土自屋柱延燒矣 金火大小木池而徙焉不閱月則池土自屋柱延燒矣

大小爐皮作麻作窟子作是也皆有制度作用之法  
俾各誦其文而禁其傳

雲麓漫鈔 本朝有糧料院按韻略料字平聲解云量  
也乃是量度每月合支糧食之處作側聲呼非是蓋  
俚俗以馬食爲馬料誤矣

隣幾雜誌 章仲鎮云章伯鎮勘會案歲給禁中椽燭  
十三萬條內酒坊祖宗朝用糯米八百石真宗三千  
石今八萬石

陳相伴虜使問隨行儀鸞司緣何得此名不能對或  
云隋大業中鸞集於供帳庫屋因名文思院使亦不

宋東京考

卷之三

十五

知從何得此名或云量銘時文思索或說殿名聚工  
巧於其側因名文思院

棟宇篇 考工記桌氏掌攻金其量銘曰時文思索故

今世攻作之所號文思院

按銘曰時文思索允臻其  
極嘉量既成以觀四國永

啟厥後茲  
器維則

聞見近錄 張融自樞密直學士守蜀歸監在京麴院  
後為樞密副使建第差壯麗太宗一日語融曰聞卿  
建第甚雄朕方需一庫未成可輟之即日遷居佛寺  
今新衣庫是也

朝野類要 上自三司下及倉場庫務皆為百司或謂

之有司又謂之京局

彙書詳註 宋初軍器領於三司胄案官無專職熙寧六年廢胄案乃按唐令置監擇侍從官總判元豐正名分案五設吏十有三總局五掌繕治兵械什物之事凡製器以法式授衆工其弓矢干戈甲冑諸戰守之具則因其能而分任之量用給財旬會其數以考其程課而輸於受藏之府若知規創裁制工作之利者聽其自言以類參驗令殿前馬步司覆按可否以聞

山堂肆考 太祖以五代時監牧多廢官失其守國馬

宋東京考

卷之三

十六

不得蕃息時但有左右飛龍院帝始置養馬二務歲遣中使詣邊州市馬自是閑廐始充矣

太宗既平太原遂觀兵范陽得汾晉燕薊之馬凡四萬二千餘匹國馬增多詔於景龍門外新作四廐名曰天駟監左右各二以左右飛龍使為左右天廐使閑廐使為崇儀使內廐既充物始分置諸州牧養雍熙初禁邊臣於邊外市馬勿得虧直改天廐院為騏驥院天駟監為天廐坊

真宗咸平二年群牧司總內外馬政其後歲遣判官一人巡行諸監取孳生駒二歲已上者點印之左右



騏驥院六坊監止留馬二千餘匹餘皆三月出就牧  
秋冬入廐其御馬準備用者在京師

會要 大中祥符八年九月賜宗正寺殿曰玉牒殿堂  
曰屬籍堂

燕翼詒謀錄 國初宗室尚少隸宗正寺仁宗景祐三  
年以宗室衆多特置大宗正司以皇兄寧江軍節度  
使允讓知大宗正事仍詔自今於祖宗後各擇一人  
為之尚賢而不以齒糾正違失凡宗室奏陳先委詳  
酌而後聞不得專達其後又以宗室出居外州於西  
京置西外宗正司南京置南外宗正司

宋東京考

卷之三

十七

宗室年五歲則官為廩給此祖宗舊法也皇祐二年  
判大宗正事允讓請自三歲廩給仁宗以太過三月  
甲辰詔宗室三歲以上官為給食今又復以五歲為  
限矣

可談 本朝置大宗正寺治宗室濮邸最親嗣王最貴  
於屬籍最尊世世知大宗正事自宗晟迄宗漢皆安  
懿王子兄弟相繼宗子盡故諸孫仲字復嗣爵判宗  
人人謹厚練敏宗子率從其教誨崇寧初分置敦宗  
院於三京以居疎冗選宗子之賢者涖治院中或有  
尊行治之者頗以為難令郟初除南京敦宗院登對

上問所以治宗子之略對曰長於臣者以國法治之幼於臣者以家法治之上稱善進職而遣之郟既至宗子率教未嘗擾人京邑甚有賴焉

清波雜誌 大觀東庫物有入而無出只端硯有三千餘枚張滋墨世謂勝李廷珪亦無慮十萬觔

湧幢小品 包孝肅為三司使凡筦庫供上物舊皆派之列郡積以困民公為置場和市民得免其擾

宋稗類鈔 大觀間京師和劑局一日請得內帑藥犀百數中一株大絕常犀因不敢用復納上朝廷命工解以為帶工覩之極駭歎以為聖德感召所致蓋倒

宋東京考

卷之三

十八

透中反成正透面猶黃蠟中有異雲一朵雲中天矯一金龍飛盤拏空角爪俱全遂為御府第一號瑞雲盤龍御帶